



21asr.uz

@XXlasr_yangiliklari

asrgazetasi

XXI_asr@mail.ru

xxiasrgazetasi

XXlasrgazetasi

Gazeta 2004-yil 1-yanvardan chop etila boshlagan

ЎЗБЕКИСТОН — ХИТОЙ: ҲАМКОРЛИКНИНГ ЯНГИ ИСТИҚБОЛИ САРИ



ПЕКИН ШАҲРИДА ХИТОЙ КОММУНИСТИК ПАРТИЯСИ ҲАМДА ҚЎШНИ ДАВЛАТЛАР СИЁСИЙ ПАРТИЯЛАРИ ЎРТАСИДАГИ ХАЛҚАРО МУЛОҚОТ ФОРУМИ ЎЗ ИШINI БОШЛАДИ. МАЗКУР НУФУЗЛИ АНЖУМАНДА ТАДБИРКОРЛАР ВА ИШБИЛАРМОНЛАР ҲАРАКАТИ –ЎЗБЕКИСТОН ЛИБЕРАЛ-ДЕМОКРАТИК ПАРТИЯСИ ДЕЛЕГАЦИЯСИ ҲАМ ФАОЛ ИШТИРОҚ ЭТМОҚДА.

Форумнинг очилиш маросимида О'зЛиДеР Сиёсий Кенгаши Ижроия қўмитаси раиси, Олий Мажлис Қонунчилик палатасидаги партия фракцияси раҳбари Ақтам Хайтов сўзга чиқиб, Ўзбекистон ва Хитой орасидаги стратегик ҳамкорлик муносабатлари, минтақавий ҳамжиҳатлик ва партиялараро мулоқотнинг аҳамияти ҳақида атрафлича тўхталиб ўтди.

Форумнинг Хитой Халқ Республикаси раиси Си Цзиньпин ташаббуси билан ташкил этилгани Хитой раҳбариятининг қўшни давлатлар билан дўстона, ишончли ва узоқ муддатли муносабатларни мустаҳкамлашга стратегик ёндашувини яққол намоён этмоқда. Хусусан, сиёсий партиялар ўртасидаги очик ва самарали мулоқот учун танланган мавзулар бугунги глобал дипломатик воқеаларни аниқ акс эттириб, долзарб масалаларни қамраб олгани билан аҳамиятлидир.

О'зЛиДеР раҳбари ўз чиқишида Хитой Коммунистик партиясига форумни юқори савияда ташкил этгани учун самимий миннатдорлик билдирди. У икки давлат раҳбарлари – Шавкат Мирзиёев ва Си Цзиньпиннинг сиёсий иродаси, мунтазам мулоқоти туфайли Ўзбекистон–Хитой муносабатлари тобора кенгайиб, эзгу мақсадларга йўналтирилган шериклик даражасига кўтарилганини алоҳида эътироф этди.

– Бугунги дунёда сиёсий барқарорлик, иқтисодий ҳамжиҳатлик ва минтақавий интеграция мустаҳкам сиёсий мулоқотсиз тасаввур этилмайди. Хитой билан кўп қиррали ҳамкорлигимизнинг мустаҳкамланишида сиёсий партиялараро мулоқот муҳим ўрин тутаяпти, – деди Ақтам Хайтов.

Форум доирасида “Ўзгараётган дунёдаги Осиё” мавзусида фикр алмашилди. Мутахассислар ва партия етакчилари бугунги дунёда Осиё қитъасининг стратегик аҳамияти ортиб бораётганини қайд этди. Айни пайтда ер юзининг ярмидан кўпроқ аҳолиси айнан шу қитъада истиқомат қилади. XXI асрда Осиё иқтисодий ўсиш, илғор технологиялар, транспорт ва логистика салоҳияти борасида глобал тараққиётнинг асосий драйверига айланиб бормоқда.

Мазкур жараёнда Шанхай ҳамкорлик ташкилоти, “Бир макон – бир йўл” каби минтақавий ташаббуслар улкан аҳамият касб этмоқда. Уларнинг асосий вазифаси – тинчликни таъминлаш, манфаатлар мувозанатини сақлаш ва умумий тараққиётни қўллаб-қувватлашдир.

Форумда “Стратегик ишончни мустаҳкамлаш ва маслаҳатлашувни кенгайтириш”, “Осиёнинг очиқлиги ва интеграциялашган ривожланиши” каби мавзу ва йўналишлар доирасида илмий-назарий ва амалий нуқтаи назарлар таҳлил этилди. Иштирокчилар минтақадаги барқарорликни таъминлашда сиёсий партияларнинг ўрни тобора долзарблик касб этиб бораётганини таъкидлашди.

Бугунги кунда Ўзбекистон ташқи сиёсати Президент Шавкат Мирзиёев раҳбарлигида очиқлик, прагматизм ва манфаатли ҳамкорлик тамойиллари асосида амалга оширилмоқда. Хусусан, Хитой Халқ Республикаси билан муносабатлар барча соҳаларда кенгайиб, стратегик даражага кўтарилган. Мамлакатлар ўртасидаги ҳамкорлик нафақат савдо ва сармоя, балки транспорт, логистика, туризм, илм-фан ва инсон капиталини ривожлантириш соҳаларини ҳам қамраб олмақда.

Бугунги кунда Хитойнинг Ўзбекистон иқтисодиётига киритган тўғридан-тўғри инвестициялари ҳажми 25 миллиард доллардан ошди. Бу эса мамлакатимизга бўлган ишончнинг ортиб бораётганидан далолат беради. Шу билан бирга, Хитой Ўзбекистоннинг энг муҳим ва ишончли узоқ муддатли шерикларидан бири сифатида тан олинмоқда.

Сўнгги йилларда Ўзбекистон-Хитой дўстлиги барча жабҳаларда ҳар томонлама тактик шериклик муносабатларида юксак даражага эришилгани алоҳида таъкидланди. Ўзаро товар айирбошлаш ва инвестициялар ҳажми барқарор ошиб бормоқда, иқтисодиётнинг устувор тармоқларида етакчи компаниялар иштирокидаги қўшма лойиҳа ва корхоналар сони кўпаймоқда.

“Хитой – Қирғизистон – Ўзбекистон” темир йўлини қуриш лойиҳаси бўйича амалий ишлар олиб боришмоқда. Фаол ҳудудлараро алоқалар ва маданий-гуманитар алма-

шинув юқори баҳоланди.

Парламентлараро ва партиялараро ҳамкорликдан ташқари, айниқса, қамбағалликни қисқартириш, коррупцияга қарши курашиш, рақамлаштириш ва саноатлаштиришни жадаллаштириш каби йўналишларни янада кенгайтириш зарурлигига алоҳида эътибор қаратилди.

Олий ва профессионал таълим йўналишларни ҳамкорликни янада ривожлантириш, жумладан, мамлакатимизда Хитойнинг етакчи олий таълим муассасалари филиалларини ташкил этиш устида иш бошлангани ҳам бу борадаги хайрли ишларнинг узвий давоми дейиш мумкин.

Форум доирасида О'зЛиДеР ва ХКП ўртасидаги партиялараро ҳамкорлик истиқболлари ҳам муҳокама этилди. Жумладан, икки партия ўртасида имзоланган Ўзаро англашув меморандуми сиёсий мулоқотни институционал шаклга олиб кириш, партиялараро ишончни мустаҳкамлаш ва тажриба алмашишни йўлга қўйишга хизмат қилмоқда. Ушбу ҳужжат Ўзаро ҳамкорликни замонавий дипломатик талаблар асосида янги bosқичга олиб чиқмоқда. Унда сиёсий етуқлик, электорат билан ишлаш, давлат бошқарувида таъсир кўрсатишдаги механизмлар, кадрлар тайёрлаш ва дипломатик маданиятни ривожлантириш каби йўналишларда ҳамкорликни чуқурлаштириш назарда тутилган.

Дарвоқе, Пекиндаги сиёсий форум Ўзбекистон–Хитой орасидаги дўстона муносабатларни янада теран, сиёсий мулоқотни кенгайтириш ва минтақавий барқарорликни таъминлашда муҳим дипломатик воқеа сифатида эътироф этилди. Бундай мулоқотлар нафақат партиялараро, балки халқлар ўртасидаги Ўзаро тушуниш ва яқинлашувга замин яратди.

Ўзбекистон Либерал-демократик партияси глобал миқёсдаги бундай мулоқотларда фаол иштирок этишни, мамлакат манфаатлари йўлида очик, амалий ва самарали ташқи сиёсий ҳамкорликни янада ривожлантиришни ўзининг устувор мақсади деб билади.

О'зЛиДеР матбуот хизмати

ЁШЛАР ПАРЛАМЕНТИ



Кеча Олий Мажлис Қонунчилик палатаси ҳузуридаги Ёшлар парламентининг янги таркибдаги аъзолари иштирокида биринчи мажлис бўлиб ўтди.

Хабарингиз бор, яқиндагина якунланган жорий йилги Ёшлар парламенти сайлови кўпчиликда катта қизиқиш уйғотди. Негаки, бу институт Янги Ўзбекистон сиёсий ҳаётида ўзига хос янгилик сифатида намоён бўлмоқда. Президи-

дентимиз ташаббуси билан 2020 йилда Парламент куйи палатаси ҳузурида ташкил этилган ушбу тузилма ёшларнинг ҳуқуқ-манфаатларини ҳимоя қилиш билан бирга, бевосита уларнинг ўзларини қонунчилик яратилиши жа-

ЯНГИ ТАРКИБДАГИ АЪЗОЛАР БИРИНЧИ МАЖЛИСГА ЙИҒИЛДИ

раёнларига жалб қилиш ҳамда шу орқали давлат ва жамият ўртасида мустаҳкам кўприк вазифасини ўтамоғига ишонч билдирилган эди. Қисқа, лекин залворли кечган давр ичида Ёшлар парламенти аъзолари юздан ортқ қонун лойиҳалари муҳокамаларида иштирок этди, шунингдек, Қонунчилик палатаси кўмиталари билан биргаликда 80 дан ортқ назорат-таҳлил фаолиятини амалга оширди. Олдинда эса ҳали янада масъулиятли ва долзарб вазифалар турибди.

Эътиборли жиҳати, яқинда

якунланган сайловларда 9 531 нафар навқирон, изланувчан йигит-қизлар ўз номзодини илгари сургани ёшлар ўртасида сиёсий фаоллик кучайиб бораётганини кўрсатмоқда. Жиддий рақобат муҳитида кечган сайловларда сиёсий партиялар томонидан саралаб олинган 150 нафар ёшдан иборат янги қақирқ таркиби шакллантирилди.

Мажлисда Ёшлар парламенти раиси, унинг ўринбосарлари ва кўмиталар раислари сайлаб олинди.

III қақирқ Ёшлар парламен-

ти раиси этиб О'зЛиДеР Сиёсий Кенгаши аъзоси, партия ижроия қўмитаси Ёшлар муаммоларини ўрганиш ва ташаббусларини қўллаб-қувватлаш бўлим мудири Отабекхўжа Собитов сайланди.

29-30 май кунлари Ўзбекистон Президенти ҳузуридаги Давлат сиёсати ва бошқаруви академиясида янги таркибдаги Ёшлар парламенти аъзолари учун Олий Мажлис Қонунчилик палатаси депутатлари иштирокида семинар ва маҳорат дарслари ўтказилди.

Муҳбиримиз

Қурбон ҳайити:

Кеча — Зулҳижжа ойининг биринчи куни бошланди. Бу ҳақда Ўзбекистон Мусулмонлар идораси маълум қилди. Ҳар доим Зулҳижжа ойининг 10-куни Қурбон ҳайити куни ҳисобланади. Мусулмонларнинг асосий байрами олдидан арафа куни эса 5 июнь этиб белгиланди. Демак, 2025 йил ушбу улуғ айём 6 июнь, яъни жума кунига тўғри келмоқда.

О'зЛиДеР ЖИЗЗАҲДА нималарни ўрганди?

2.



Гўшт арзон бўлади, қачонки...

3.



Дунёни ўзгартиришга қодирсиз...

4.



МАРДнинг мардона ҳаёти

6.



O‘zLiDeP ЖИЗЗАХДА НИМАЛАРНИ ЎРГАНДИ?

МУАММОЛАР, ТАКЛИФЛАР, НАТИЖАЛАР

Сўнгги йилларда мамлакатимизда депутатлар фаолиятида сезиларли фаоллашув кузатилмоқда. Хусусан, уларнинг ҳуқуқий мустақиллиги мустаҳкамланиб, қонун ижодкорлиги борасидаги илгор таклифлари, жамоатчилик назоратини амалга ошириш ва халқаро ҳамкорлик йўналишларидаги иштироки ортиб бормоқда. Бу эса ижтимоий қатлам вакиллари томонидан ҳам муносиб эътироф этилмоқда.

Ахборот шаффофлигини таъминлаш, мавжуд муаммо ва камчиликларга ўз вақтида чора кўриш, қонунчилик ташаббусларини ҳаёт талабларига мос равишда янада пухта ишлаб чиқиш ҳамда ҳуқуқий, сиёсий-иқтисодий, экологик ва маънавий-маърифий соҳаларда ўзаро ҳамкорликини кучайтириш мақсадида жойларда сайловчилар билан очик мулоқотлар, учрашувлар ҳамда турли тадбирлар мунтазам ўтказиб келинмоқда.

Бу каби амалий чоралар Ўзбекистонда депутатлар фаолиятини сифат жиҳатдан янги поғонага олиб чиқиш, уларнинг жамиятдаги таъсирини кучайтириш ҳамда миллий парламентимизни дунёдаги энг самарали ва таъсирли қонун чиқарувчи органлар қаторига олиб чиқишга қаратилган стратегик ёндашув экани шубҳасиз.

Олий Мажлис Қонунчилик палатасидаги O‘zLiDeP фракцияси аъзолари, маҳаллий кенгаш депутатлари ва партия фаолларидан иборат ишчи гуруҳ аъзолари жорий йилнинг биринчи чорагида Жиззах вилоятида бўлиб қайтган эди. Шароф Рашидов, Пахтакор, Мирзачўл, Янгйобод, Зарбдор, Зомин, Дўстлик, Зафаробод, Арнасой, Фориш, Бахмал туманлари ва Жиззах шаҳрида фаолият юритаётган фермерлар, ишлаб чиқариш, хизмат кўрсатиш ва экспорт фаолияти билан шуғулланаётган тадбиркорлар, “маҳалла еттилиги”, олий таълим муассасаларида таҳсил олаётган ёшлар, маҳаллий кенгашларга сайланган депутатлар ва аҳоли вакиллари билан, кам эмас, 54 та учрашув ўтказилибди.

Хўш, O‘zLiDePнинг сайловолди дастурида белгилаб олинган “5 мақсад ва 500 вазифа” доирасида ташкил этилаётган мулоқотларда қандай ҳаётий масалалар ўртага ташланди, сайловчиларни қийнаётган муаммолар юзасидан белгиланган амалий чоралар натижаси кўриняптими? Умуман, бундай ўрганишлар ўзини қай даражада оқлайди?

Биз бугун Жиззах вилояти мисолида шу каби саволларга жавоб излаймиз.

Тадбирлар дебечаси Жиззах шаҳридаги олий ўқув юртларида ўқиётган талабалар иштирокида ташкил этил-

таъминлаш борасидаги саъй-ҳаракатлар ўрганилди.

Зомин туманидаги “Нуронийлар маскани”да 2025 йилда тумандаги маҳаллалар кесимида бандликни таъминлаш ва камбағалликни камайтиришга қаратилган чора-тадбирлар муҳокама этилди. Шунингдек, “Зомин асл ипак толаси” МЧЖ фаолияти орқали кичик саноат зоналаридан самарали фойдаланиш масалаларига эътибор қаратилди.

Пешағор қишлоғида жойлашган “Дўстлик чеварлари” ҳамда “Ясмин чеварлари” МЧЖларида фаолият юритаётган қўли гул аёллар меҳнати эътирофга сазовор бўлди. Шунингдек, намунали томорқачи сифатида фаолият кўрсатаётган Ғофур Маматовнинг хонадонида кулупнай ва лимон етиштириш бўйича ортиртган тажрибаси олқишланди.

Зафаробод, Пахтакор, Арнасой, Фориш ва Бахмал туманларида маҳаллий кенгашлар депутатлик гуруҳи аъзолари ҳамда сиёсий партия фаоллари иштирокида ташкил этилган мулоқотларда жойлардаги мавжуд муаммолар, уларнинг ечими бўйича таклиф ва ташаббуслар атрофлича муҳокама қилинди.

Шунингдек, ишчи гуруҳ аъзолари “Taksin Karpet” МЧЖ, “World Trading Company” МЧЖ, “Baraka Chevarlari Textile” МЧЖ ҳамда “Basalt O‘zbekiston” МЧЖ фаолияти билан яқиндан танишдилар. Корхоналарда фаолият юритаётган тадбиркорлик субъектлари ҳамда “маҳалла еттилиги” вакиллари билан амалий мулоқотлар ўтказилиб, уларнинг фикр ва таклифлари тингланди.

Ўтказилган учрашувлар, очик мулоқотлар давомида фермерлар, тадбиркорлик субъектлари, олимлар, депутатлар ва ёшлар томонидан қонунчиликни такомиллаштиришга қаратилган бир қатор долзарб масалалар илгари сурилди. Улардан айримларига тўхталмоқ жоиз деб ўйлаймиз.

Хусусан:

– **ёшлар стартаплари учун платформа йўқлиги** – иқтидорли, ташаббускор ёшларни бирлаштирадиган ва уларга ҳамкор топишда амалий ёрдам кўрсатадиган ягона электрон платформа яратилмаган. Бу эса инновацион ғоялар ва стартап лойиҳаларни ривожлантиришда тўсиқ бўлмоқда;

– **халқаро муваффақиятга эришган ёшлар учун имтиёз йўқлиги** – жаҳон чемпионлари ёки халқаро танловларда ғолиб бўлган ёшларни магистратурага имтиёзли қабул қилиш бўйича ҳуқуқий асос йўқ. Мазкур ҳолат ёшларда спорт ва илм-фан йўналишида рағбатни сусайишга олиб келиши мумкин;

– **кадастр ҳужжатларсиз фуқароларнинг рўйхатдан ўтолмаслиги** – кадастр ҳужжати йўқ шахсларга доимий рўйхатга олинган жойи йўқлиги асоси билан фуқаролик паспорти (ID паспорти) бериш рад этилаётганлиги;

– **пахта савдосида танлов имконияти йўқлиги** – биржага чиқарилган пахтани сотишда кластерлар бир хил нарх белгиланган ҳолларда фермерлар эркин танлов имкониятига эга эмас;



функциялар юклатилганлиги ва уларнинг аксарияти маҳалланинг асосий фаолият йўналишларига боғлиқ эмаслиги;

– **яйловлардан фойдаланишда чекловлар** – Фориш тумани фуқароларининг чорва моллари учун яйловлардан шартнома асосида фойдаланишга рухсат берилмаётганлиги каби муаммолар ўртага ташланди.

Юқорида келтирилган муаммоларни бартараф этиш, қонунчиликни амалиёт талабларига мувофиқлаштириш мақсадида фракция аъзолари томонидан қуйидаги қонун лойиҳалари ва ўзгартишлар таклифи ишлаб чиқилди. Унга кўра, “Фермер хўжалиги тўғрисида”ги қонуннинг 13-моддасига “қонунчиликка биржага чиқарилган пахтани сотишда кластерлар томонидан бир хил нарх белгиланган тақдирда фермерларга кластерни танлаш ёки аввалги шартнома мажбуриятларини бажармаган кластерларга ишончсизлик билдириш ҳуқуқини бериш” тартибидagi қўшимча киритиш таклифи киритилди.

Бундан ташқари, Иқтисодий процессуал кодекснинг 171-моддасига “Иқтисодий судларда тарафларнинг биринчи суд мажлисида узрсиз сабабларга кўра келмаганлиги судни қолдиришга асос бўлиши ҳақида норма киритиш”, шунингдек, “Дехқон хўжалиги тўғрисида”ги қонуннинг 22-моддасига дехқон хўжаликлари ер эгалари ўзаро келишган ҳолда ижара ҳўқуқларини алмашиши, ишончли бошқарувга бериш тартибинин жорий қилиш, қолаверса, “Яйловлар тўғрисида”ги қонуннинг 3, 13’, 14-моддаларига жамоат яйловлари, улардан фойдаланиш тартиби, яйловлардан фойдаланувчиларнинг ҳуқуқ ва мажбуриятларини киритиш каби қўшимчалар қўиш таклифи белгиланмоқда.

Шу билан бирга, “Давлат харидлари тўғрисида”ги, “Оилавий тадбиркорлик тўғрисида”ги, “Тадбиркорлик фаолияти эркинлигининг кафолатлари тўғрисида”ги, “Дехқон хўжалиги тўғрисида”ги қонунларга маҳаллага юклатилган вазифаларни қайта кўриб чиқиб, уларни тизимлаштириш ва маҳалланинг асосий функцияларига алоқаси бўлмаган вазифалар (давлат харидлари тўғрисидаги қонунга риоя этилишини назорат қилиш, оилавий корхоналарга, тадбиркорларга кредит олишда кафил бўлиш, дехқон хўжаликларида ҳисоботлар олиниши ва бошқалар)ни қисқартириш зарурлиги таклифи берилди.

Шуни алоҳида қайд этиш зарурки, O‘zLiDePнинг жойлардаги ташаббуслари фуқаролар манфаатларини таъминлаш, ёшлар салоҳиятини рўёбга чиқариш ва инновацион ғояларни қўллаб-қувватлашга қаратилмоқда. Хусусан, O‘zLiDePдан маҳаллий кенгашларга сайланган депутатлар, депутат ёрдамчиларида мавжуд ғоя, қонунчилик таклифларини Олий Мажлис қонунчилик палатаси O‘zLiDeP фракцияси депутатларига тезкорлик билан етказиш ва уларни баҳолаб бориш, энг яхши таклиф эгаларини рағбатлантириш мақсадида “O‘zLiDeP ғоялар генерацияси” электрон платформаси ишга туширилишига келишиб олинди ва ушбу лойиҳага парламент депутати Абдуманнон Бўриев масъул сифатида бириктирилди.

Жиззах политехника университети ҳудудидаги бўш турган “INNO технорак” базасида манфаатдор вазирликлар билан ҳамкорликда “INNO-BRIDGE” лойиҳалар фабрикаси клубини ташкил этиш таклифи ўртага ташланди. Режага кўра, мазкур ташаббус доирасида навқирон йигит-қизларнинг стартаплари қўллаб-қувватланади, инновацион ғояларга эга ёшлар ўртасида тажриба алмашинуви таъминланади, улар кластерлар ва сармоядорлар билан боғлашга йўналтирилади. Мазкур лойиҳага депутат Отабек Мусурмонов масъул сифатида бириктирилиб, клуб фаолияти доирасида мунтазам амалий семинарлар, тренинглар, бизнес режалар ишлаб чиқилиб, молиявий мустакилликка эришиш борасида амалий маслаҳат гуруҳлари ташкил этилиши белгиланди.

Аҳоли орасида тиббий маданиятни ошириш ва соғлом турмуш тарзини оммалаштириш мақсадида Жиззах вилоятида комплекс тажриба амалга оширилиши режалаштирилган. Унга кўра, давлат ташкилотлари, таълим муассасалари, ОАВ ва жамоат жойларида тўғри овқатланиш маданияти, истеъмол қилинаётган маҳсулотларнинг калорияси ҳақида маълумотлар тақдим этиш, шунингдек, Тибет тажрибасига асосланган бадантарбия машқларини жорий этиш каби фаолиятлар йўлга қўйилади. Депутат Рисқул Сиддиқов масъул сифатида бириктирилган ушбу ташаббус аҳолининг жисмоний ва руҳий соғлиғини мустаҳкамлашга хизмат қилиши шубҳасиз.

Бундан ташқари, ёшларнинг тадбиркорлик ва инновация соҳаларидаги салоҳиятини ривожлантириш мақсадида “O‘zLiDeP – 10 000 инновацион лойиҳа” дастурини амал-

га ошириш таклифи илгари сурилмоқда. Лойиҳа доирасида 10 000 нафар ёш тадбиркорнинг ташаббуслари сараланиб, уларнинг фаолияти кенг тарғиб этилади. Шунингдек, уларга ҳуқуқий, ахборот ва молиявий кўмак кўрсатилади, бизнес лойиҳаларини амалга ошириш учун имкониятлар яратилади.

Шу билан бирга, Ўзбекистон Республикаси Президентининг 1999 йил 26 февралдаги “Ўзбекистон Республикасида паспорт тизимини такомиллаштириш тўғрисида”ги ПФ-2240-сон, 2020 йил 22 сентябрдаги “Ўзбекистон Республикасида идентификация ID-карталарини жорий этиш чора-тадбирлари тўғрисида”ги ПФ-6065-сон фармонларига “шахсини тасдиқловчи ҳужжатни олиш учун доимий яшаш жойи бўлиши талабини бекор қилиш” тартибини киритиш, Ўзбекистон Республикаси Вазирлар Маҳкамасининг 2019 йил 7 июндаги “Олий таълим муассасаларига ўқишга кириш учун ҳужжатларни қабул қилиш бўйича давлат хизматларини кўрсатишнинг маъмурий регламентини тасдиқлаш тўғрисида”ги 468-сон қарорига 4-илова сифатида “Олимпия, паралимпия, жаҳон чемпионларини олий таълим муассасаларининг магистратура босқичига имтиёзли асосларда қабул қилиш бўйича” қонунчиликка норма киритиш, Ўзбекистон Республикаси Президентининг 2020 йил 8 июндаги “Тадбиркорлик фаолияти ва ўзини ўзи банд қилишни давлат томонидан тартибга солишни соддалаштириш чора-тадбирлари тўғрисида”ги ПҚ-4742-сон қарорининг (ишлар, хизматлар) турлари рўйхатида “Ичимлик сувини махсус транспорт воситалари орқали етказиб бериш ҳуқуқига эга бўлган субъектлар доирасини кенгайтириш” йўналишида ҳамда “Ёмғир ва ер ости сувларидан қишлоқ хўжалигида самарали фойдаланиш тизимини рағбатлантириш”га доир Ўзбекистон Республикаси Президентининг қарори лойиҳасини ишлаб чиқиш каби бир қатор қонуности ҳужжатларига таклиф ва қўшимчалар киритиш белгилаб олинди.

Эътиборли томони, қонун лойиҳаларидаги нормаларнинг амалга оширилиши давлат бюджетидан қўшимча харажатлар талаб қилмайди. Бу қонун лойиҳалари маъқулланган тақдирда, тегишли вазирликлар ва бошқа идораларга келишиш учун юборилиши қайд этилди.

Муҳтасар айтганда, Жиззах вилоятида ўтказилган очик мулоқотларда кўтарилган масалалар юртимизда амалга оширилаётган ислохотларнинг жойлардаги ҳаёт билан қай даражада уйғунлашгани, аҳоли вакилларининг ҳуқуқий амалиётга муносабати қай даражада эканини кўрсатиб берди. Бу фикрлар ва ташаббуслар жамоатчиликнинг ислохотларга нисбатан фаол муносабатини, фуқаролик жамияти элементларининг шаклланаётганлигини аёнлади.

Қонунчиликдаги айрим бўшлиқлар – амалий ҳаёда учраётган тўсиқлар туфайли, аҳолининг имкониятлардан тўла фойдалана олмаслик сабаблари янада ойдинлашади. Масалан, ёшлар учун стартап платформаларининг мавжуд эмаслиги, ижтимоий лифт механизмларининг сустлиги (халқаро муваффақиятга эришган ёшларга нисбатан), фермерларнинг эркин танлов ҳуқуқининг чеклангани каби ҳолатлар инновация, тадбиркорлик ва ижтимоий фаолликни чегаралаб қўяди.

Суд-ҳуқуқ соҳасидаги муаммолар эса одил судлов принципларини амалда таъминлашда мустаҳкам механизмлар етишмаётганини аёнлатади. Иқтисодий судларда жавобгар иштирокисиз иш кўрилиши, судлов жараёнидаги тенглик ва холисликни шубҳа остига қўяди.

Шунингдек, маҳаллалар зиммасига юклатилган вазифаларни таҳлил қилар эканмиз, бу тузилманинг чинакам ижтимоий институт сифатида эмас, балки қатор маъмурий юкламаларни бажарувчи механизм сифатида фаолият юритишга мажбур бўлаётганини кўрамиз.

Тақдим этилган қонунчилик таклифлари амалиётдаги аниқ муаммолардан келиб чиққан ва уларни ҳуқуқий жиҳатдан ҳал этишга қаратилгани билан аҳамиятлидир. Агар бу таклифлар Олий Мажлис ва мутасадди идоралар томонидан диққат билан кўриб чиқилиб, амалиётга жорий этилса, қонунчилик ва ижро тизимининг янада самарали фаолият юритишига, аҳоли манфаатларининг кафолатли ҳимоя қилинишига хизмат қилади.

Муҳими, бундай халқчил форматдаги мулоқот ва таҳлиллар тизимли равишда давом эттирилса, “қонун халқ учун” деган тамойилнинг ҳаётда тўла-тўқис ўз ифодасини топишга замин яратган бўлади.

**O‘zLiDeP матбуот хизмати материаллари асосида
Абдулла ЧИМИРЗАЕВ тайёрлади.**




ган “Депутатлар ва ёшлар” тадбиридан бошланди. Шундан сўнг “Жиззах пластмасса” акциядорлик жамиятида хусусий тиббиёт билан шуғулланувчи тадбиркорлар ҳамда фаол бизнес вакиллари билан, “EKO SFERA” масъулияти чекланган жамиятида эса вилоятда қичиндиларни қайта ишлаш соҳасида фаолият юритаётган тадбиркорлар ва соҳа мутахассислари билан самимий мулоқотлар ташкил этилди. Шунингдек, Мирзачўл туманида маҳаллий кенгаш депутатлик гуруҳи аъзолари ҳамда партия фаоллари билан, туманининг “Богбон” МФИда эса “маҳалла еттилиги” вакиллари, қолаверса, Пахтакор туманидаги “SEMRUG” кўп тармоқли фермер хўжалигида фермерлар билан кечган юзма-юз суҳбатлар ғоят қизиқди.

Таъкидлаш жоизки, Шароф Рашидов тумани “Олмачи” маҳалла фуқаролар йиғинида ташкил этилган ўқув маркази фаолияти ҳамда Дўстлик туманидаги Микросаноат ва хизмат кўрсатиш маркази ҳудудида фаолият юритаётган тадбиркорларнинг лойиҳалари, шунингдек, тумандаги “Ақли сув бошқаруви” лойиҳаси билан танишув халқ вакилларида катта таассурот қолдирди.

Масалан, Янгйобод туманида маҳаллий кенгаш депутатлик гуруҳи, туман “Бизнесни ривожлантириш банки” АТБда банк хизматларидан фойдаланаётган тадбиркорлик субъекти вакиллари, Дўстлик, Чакан ва Сармич маҳаллаларида аҳоли хонадонларига томорқачиликни ривожлантириш, маҳаллаларда камбағалликни қисқартириш бўйича амалга оширилган ишлар атрофлича таҳлил этилди.

Зарбдор туманида давлат-хусусий шериклик асосида нодавлат таълимни ривожлантириш бўйича амалий ишлар олиб борилаётгани эътиборга лойиқ. Хусусан, “Шарқ юлдузи” МФЙ ҳудудида жойлашган “Зарбдор парранда” МЧЖ мисолида тадбиркорлик субъектларига яратилаётган шароитлар, кооперация усулида аҳоли бандлигини



Хоразмда аҳоли томонидан қўшимча томорқаларда бир мавсумда бугдой ва шולי етиштириш тажрибаси кейинги йилларда аввал кўникма, энди эса одатий амалга айланди. Бу эса қишлоқ одамлари учун мўмайгина қўшимча даромад манбаи бўлмоқда. Айниқса, сўнгги вақтларда бугдой похоти ва шולי сомонини махсус ускуналарда тойлатиш (пресслаш) ҳам деҳқонлар ҳаётига кириб келди. Авваллари бундай сомонлар тартибсиз йиғиштириб олинар, шунданми, ташиш жараёнида бир қисми исроф бўлса, зич босиб қўйилгани учун куз-қиш мавсумида ярами чириб кетарди. Энг қулай томони, тойлангани ташиш, сақлаш учун жуда қулай. Яна денг, махсус ускуналар тойлаш пайтида сомонни қирққани учун тўғридан-тўғри чорва молларига озуқа сифатида бериш ҳам мумкин. Эслийлик, бир маҳаллар сомонни қўлда, яъни ясама жодида қирқиш-майдалаш учун қанча вақт ва куч кетарди...

Бизнинг Хоразм тарафларда ўз ихтиёридаги ўттиз минг гектардан зиёд қўшимча томорқа ва бундан ташқари ҳар мавсумда 35-40 минг гектарча майдонларда фермерлар бугдой, бугдойдан бўшагач, ўрнига шולי кўчатлашларини инобатга олсак, ҳар йили ўртача 3-6 миллион дона тойланган похол ва 5-6 миллион дона тойланган сомон чорва озукаси сифатида тайёрланади. Бу жуда катта рақам! Бундан ташқари воҳа аҳлининг шахсий ва чорвачилик фермерлари истеъмолидан ортган ем-хашак қўшни вилоятларга “экспорт” қилинаётганига ҳам йигирма йилча бўлиб қолди. Аммо...

Уч йил аввал тойланган битта сомон нархи 11-12 минг сўмгача кўтарилган эди. Қўшни Бухоро, Қашқадарё ва Сурхондарё вилоятларига тойланган похол ташиб, тирикчилик қиладиган юк машиналари эгаларидан сўрасангиз, ўша даврда ошиқлари роса олчи бўлганини хўрсиниб эсласа керак. Ҳатто тойланган сомонни ташишда қулайлик, яъни кўпроқ той сиғишини ўйлаб, юк машиналари тиркамалари ҳажмини ўзгартирган ҳайдовчилар ҳам бўлди. Кейин кўз теғди, чунки...

Сўнгги икки йилда тойланган сомон – “пресс” нархи кескин тушиб кетди. Утган йил кузда ҳар битта тойланган сомонни 3,5-4 минг сўмдан сотишга мажбур бўлишди. Аслида ана шу куриб кетгур биттагина “пресс”ни тайёрлагани учун тракторчи уч минг сўм хизмат ҳақи олишини айтсак, “эшагидан тушови қиммат” бўлиб кетди. Оқибатда ижарачилар солидан бўшаган далаларни шудгорлашга шошилгани учун тинчгина сомонларни ёқиб юборишди. Ҳозир ҳам айрим хонадонларда ва фермер хўжаликлари далаларида ўтган мавсумдан қолган тойланган сомонлар уюм-уюм бўлиб ётибди. Ҳеч ким сўрамайди.

Нега шундай бўляпти? Наҳот хашак шу даражада хор бўлмоқда?

Ижтимоий тармоқларда тоғолди ёки дашт ҳудудлар ҳисобланмиш Қашқадарё, Сурхондарё, Самарқанд ва табиий яйловларга эга Бухоро ва Навоий вилоятларида сўнгги йилларда чорва бош сони камайиб кетаётгани, бунга табиий яйловлар шошма-шошарлик билан фермер хўжаликлари ёки кластерга айлантирилиб, атрофи ўраб олингани, аҳолининг чорва моллари ўтлаши учун майдонлар қисқариб кетгани ҳақида ёзишмоқда. Ва бу борада зудлик билан қонуний чоралар кўрилмаса, оқибати яхшиликка олиб келмаслиги очик-ойдин айтиляпти ҳам. Масъул идоралар, қонун чиқарувчи парламент вакиллари айнан яйловлардан шу вақтгача ўзбошимчилик билан фойдаланиб келаётган “мулкдорлар” ҳуқуқларини чеклайдиган қонун-қоидалар қабул қилиш тўғрисида қайғуришлари лозим.



Халқимизда “Қўлда боқилган чорва ўз хунини ейди”, деган ғалати ибора бежиз айтилмаган. Барибир чорва моллари ҳеч бўлмаганда баҳор, ёз ва куз бошларида табиий ва сунъий яйловларда боқилмас экан, энг оғир муаммо ҳисобланган гўшт нархи пасаймайди. Ўйлаб кўринг, бугун қайси биримиз зараримизга ишлаётган чорвачилик билан шуғулланамиз?!

Минг йиллик удум – ҳар бир қишлоқ ё овулнинг чорвасини яйловларга ҳайдайдиган, буни рўзғорини боқиш учун касбга айлантирган чўпон-чўлиқлик касод бўлиб, улар ҳам тирикчилик учун хорижга кетганини биламиз. Айниқса, тоғолди, дашт ҳудудларида аспралардан бери сақланиб келаётган чорва молларини тўплаб боқиш, яъни подачилар тартибини эски ўзанга қайтариш вақти келмадими? Албатта, тайинли одамни топиш ҳам осонмас.



Яна Хоразмга қайтамыз. Таассуфки, сўнгги йилларда воҳада ҳам чорва моллари сони кескин қисқариб кетгани кузатиляпти. Бунинг туб сабабларини бир таҳлил қилайлик-чи. Яқинда пойтахтга бораётиб, ҳазорасплик бир аёл билан чой устида гурунгимиз “Гўшт қимматлагани”га бориб тақалди. Қишлоқда яшайдиган, туман марказидаги бозорда дўкони бор опахон ўзича қуйиб-пишиб гапираркан, ҳатто бу борада қассобларни ҳам инсофсизликда айблади. Мен эса мавзуни чорва боқиш машаққатларига буриб, хонадонда неча бош қорамол борлигини сўрадим. “Олдинлари икки-уч бош сигир ва қирқ-элликта товук боқардик. Икки йил олдин туман марказида қурилган кўпқаватли уйлардан уч хонали квартира олдик. Қишлоғимизда табиий газ йўқлиги учун куз охиридан баҳоргача ўша уйда яшаймиз. Шароит кўтармаепти, охири мол, парранда боқишни тўхтатдик”, – деди у.

Жуда кўп кузатилаётган ҳолат шу: қишлоқда яшаётганлар орасида ўзига тўқ одамлар вилоят ва туман марказларида қуриллаётган кўпқаватли уйлардан квартира олишган. Шунинг учун ҳам сал совуқ тушса, қўрасидаги бор мол-ҳолини сотиб қаторлашиб “дом”ларга кўчи кетишади, ҳовлилар хувиллаб қолади...



Эслийлик, бир маҳаллар колхоз-совхозларнинг икки-учталаб фермаҳонаси бўлиб, камида 500-600 бош қорамол, қўйлар боқиларди. Бундан ташқари айрим туманларда ихтисослашган бўрдоқчилик хўжаликлари бўларди. Ўша замонда вилоят миқёсида 8 минг гектар бедазор бўлган экан. Ҳозир эса...

Бугун чорвачиликка ихтисослашган фермер хўжаликлари сони ҳар бир қишлоқда деярли уч-тўрттадан ошмайди. Уларнинг энг йириги деганимизда кўпи билан элликлотмиш бош қорамол боқилияпти. Нима қилсин, имконлари шу-да, ер майдонлари чекланган. Демак, ушбу хомаки ҳи-



керак? Бу, албатта, даромад, моддий манфаатдорлик билан боғлиқ, дейишлари мумкин. Шундай оилаларни биламанки, эр-хотин, ўғил ва келин ҳам гап-гаштак учун ҳар ойда миллионлаб маблағ сарфлашга вақт, имкон топади. Лекин баҳона тайёр: мол боқишга шароит йўқ, ем-хашак қиммат эмиш...

Ён қўшнимиз Ражаббой оға Раҳимов ўғлига атаб икки қаватли замонавий услубда иморат тиклаётган вақтида “ҳорманг”га борганимда қизиқ бир воқеани айтиб берди: “Ота-боболаримизнинг “Чорвачилик – етти хазинанинг бири”, деган матали тўғри экан. Утган йил декабрда бозордан бузоқли сигирини 12 ярим миллион сўмга олувдим. Қишда ҳар қуни икки марта шולי похотида озроқ ем қўшиб, қайнатиб бердим. Яқинда бузоқчини 8 ярим миллион сўмга сотдим. Эрта-индин болалайман деб турган сигирни харидор 22 ярим миллион сўмга сўради. Ишонасизми, олти ойда битта сигир рўзғоримга нақ йигирма миллион сўм фойда келтирди. Энди иморатни қийналмай тикляпмиз...”.

Қишлоқларни қўяверинг, ҳатто улкан бунёдкорлик ишлари давом этаётган азим Тошкент шаҳрида, бу ёғи Урганч, Хива, туманлар марказларида яшаётганлар орасида ҳам катаалақдай ҳовлисида қўй-қўчқор, сигиру хўкиз, паррандалар боқаётган инсонларни яхши биламан. Мақсадлари фақат фойда қўриш эмаслиги аён. Азбаройи ота-бобоси ҳар қандай егулик, яъни гўшт, сут- қатик, сабзи-пиёз, хуллас, рўзғоридан чиқишини хоҳлаганларнинг фарзандлари кўпинча шундай йўл туттишади. Ёки бўлмаса қўни-қўшнисига зиёни тегмайдиган даражада уй ҳайвонларини покиза сақлашганига ҳайрон қоласан киши. Тагин дўконма-дўкон маҳаллий ўғит ҳам қидириб юришмайди улар.

Хонқа тумани ҳокимлигида матбуот хизмати раҳбари бўлиб ишлаган вақтим (беш йилча илгари) раҳбарлик тизимида ишлайдиган кўпгина ходимлар ва ҳатто ҳоким ўринбосарлари ўз хонадонидида 8-10 бош хўкиз боққанликларини эшитиб, ҳайрон қолгандим. Улардан бири менга ҳар йили сўқимга хўкиз боқиб, ўртача 50 миллион сўмгача даромад олишини айтганини ишонмагандим. Бу маблағ ўртача оиланинг бир йиллик сарф-харажатларини бемалол кўтаришини айтсак, ойлик маошлари ёнига қолиши, фарзандлари тўйи ва бошқа мақсадларга хизмат қилиши маълум бўлади.

Кузатаётган бўлсангиз ижтимоий тармоқларда энг кўп муҳокама қилинаётган мавзулардан бири – нарх-наво, айниқса, гўшт нархининг кўтарилиб бораётгани билан боғлиқ. Шу мавзу кўзғалиши биланқол турли мазмундаги нолишлар, маломатлар бошланиб кетади. Тўёки, гўшт нархи ошиб кетишида давлат айбдор эмиш.

Бозор иқтисоди сиёсатида нарх-навоини талаб ва эҳтиёж белгилайди. Сунъий тарзда тарозини ушлаб туриш маҳсулот етиштирувчиларнинг манфаатларига зид келиши мумкин. Бу ўринда шўролардан қолган буйруқбозлик, бюрократик босимлар кетмайди.

Ҳозирги кунда гўшт ва гўшт маҳсулотларига бўлган талаб ва эҳтиёж кескин ошган. Мисолларга юзланамиз. Атиги ўн йил илгари Хоразмда юздан ортиқ мактабгача таълим ташкилоти бўлиб, уларнинг кўпи тўлиқ ишламасди. Президентимизнинг мактаб ёшигача бўлган болаларни мактабгача таълим ташкилотларига тортиш бўйича чиқарган қарорларидан сўнг давлат-хусусий шериклик асосида фаолият юритадиган хусусий болалар боғчалари сони кўпайди. Бугун воҳада уларнинг сони бир ярим мингга етиб қолди. Уларда тарбияланаётган болажонларга ҳар қуни гўштили овқат берилади. Бундан ташқари вилоятдаги олти юзга яқин умумтаълим мактабларида бошланғич синф ўқувчиларини овқатланиш тартиби ҳам йўлга қўйилган. Энди ҳисобланг, бошқаларини қўяверинг, биргина шу тармоқларнинг ўзига бир йилда озмунча гўшт кетяптими?

Яна бир мисол: муқаддам шаҳар ё туман марказларида икки-учтагина ошхона-кафе фаолият юритган бўлса, бугун керак бўлса ҳар бир маҳаллау қишлоқда ҳам шунча овқатланиш жойлари бор. Уларга ҳар қуни қанча миқдорда гўшт ишлатилишини тасаввур қилаверинг.

Бир замонлар, биларсиз, қолбаса деган матоҳни дўконлардан топиш амри маҳол, таниш-билишсиз ишингиз битмасди. Бугун олис қишлоқларда ҳам қолбаса маҳсулотлари тайёрлайдиган цехлар фаолият кўрсатмоқда. Тўй-томоша, маросимлар ана шу маҳсулотларсиз ўтмайдиган бўлиб қолди.

Яна бир томони, ҳозир ҳар бир қишлоқ-овулда қад ростлаган ҳашаматли тўйхоналар мавсум бошланишидан бир неча ой аввалроқ қанд қилиб қўйилмоқда. Никоҳ, суннат, бешик тўйларидан ташқари урфга кириб қолган 50-60, 70-80 ёшли юбилейларнигина эмас, ҳатто мучалу битирув оқшомларини ҳам ана шундай жойларда дастаба билан нишонланаётгани (дастурхонларга қўйилаётган уч-тўрт хил турдаги овқатлар учун қанча гўшт маҳсулотлари ишлатилишини ҳисоблаш осонмас)га нима дейсиз?

Кейинги йилларда, мамлакатимизнинг бошқа ҳудудларидагидек, Хоразм вилоятида ҳам озиқ-овқат хавфсизлигини таъминлаш, жумладан, аҳолининг гўшт ва гўшт маҳсулотларига бўлган эҳтиёжини қондириш мақсадида балиқчиликка ихтисослашган фермер хўжаликлари ҳамда хонадонлар сони йил сайин ошиб бормоқда. Янгидан қабул қилинган давлат дастурига мувофиқ Боғот туманининг Қорақум этакларида бўш ётган, экишга яроқсиз майдонларида ана камида минг гектарлик сунъий қўллар ташкил қилишга киришилган. Бир ёқда паррандачиликка ихтисослашган фермер хўжаликлари ҳам кетма-кет ташкил қилинаётир. Айнан балиқчилик ва паррандачилик тармоғи ривожлангани гўшт маҳсулотлари нархини бир қадар мувозанатда тутиб турибди, дейиш мумкин.

Бирок чорва моллари сони эса қўпайиш ўрнига камайиб бораётгани ташвишли ҳолатдир.

Тўрт йиллар олдин давлатимиз раҳбари ташаббуси билан маҳалла фуқаролар йиғинлари ходимлари уйма-уй юриб, ҳар бир хонадонда неча бош чорва моллари борлигини аниқлаб, алоҳида дафтарга қайд қилишгани эсимда. Мол-қўйлари йўқ оилаларга ҳомийлар ёрдами билан бузоқ, қўзичоқ бериш тартиби амалга оширилган ёки имкони бору аммо чорва моллари боқмайдиган оилаларга тавсия, тақлифлар берилиб, рағбатлантирилган эди.

Албатта, бу жуда хайрли иш эди. Шу баҳонада қанча хонадонлар ободлиги таъминланганди. Билмадик, кейин негадир бу аъёна унутилди. Ҳозир эса қишлоқ аҳли ил-кида қанча чорва моли бор, уларга сарф бўладиган озуқа қанча, чорва еми сотадиған шохобчалар фаолиятини кенг йўлга қўйиш каби ҳамшиша долзарб бўлган масалаларга эътибор сусайиб кетганига гувоҳ бўляпмиз.

Президентимиз ташаббуси билан воҳада янги Тупроққалъа тумани ташкил қилинганига ҳам анча бўлди. Туманининг ер майдонлари, айниқса, Қизилқум бағрида табиий яйловлари кўп. Улардан қўйчиликни ривожлантиришда кенг фойдаланиш бўйича дастур ишлаб чиқилиб, четдан наслдор эчки ва қўй сотлари келтирилиб, чўпонларнинг сурувлари бемалол ўтлашлари учун уларга яйловлар ажратиб берилди. Ана шу саъй-ҳаракатлар ўлароқ воҳада қўйлар бош сони сўнгги йилларда сезиларли даражада ошди. Оддий мисол, бизнинг кичкина ҳудудимизда яшовчи бешта хонадон йиғитлари шу яйловларда сурув ҳайдаб, рўзғор тебратишяпти. Аммо барибир гўшт ва гўшт маҳсулотларига бўлган талаб ошган бугунги кунда булар денгиздан бир томчи ҳолос.

Энг ёмони, асл муаммонинг моҳиятини ўрганмасдан, салқингина хонада ўтирганча “Гўшт нега қимматляпти?” деб ижтимоий тармоқларда бонг ураётганларнинг қайси бири олис-яқин ҳудудларга бориб, чорвачилик билан боғлиқ масалаларни чуқур ўргангани бизга қоронғи.

Ушбу мақоламга сўнгги нуқтани қўяётган маҳалим қишлоғим аҳлининг мулоқот майдони бўлмиш “Қўлон Қорабоғ” телеграмм каналидаги бир эълонга кўзим тушди: “Сўқимга боқилган хўкизлар сотилади” деган мазмундаги хабарчага қавш қайтариб ётган хўкизлар сурати илова қилинибди. Кўпи билан бир сотихча ерни эгаллаган мўъжазгина молхонада ўн бош хўкиз боқаётган меҳнатқаш ҳам-маҳалламизга ҳавасим келди. Ҳар биттасини камида ўттиз миллион сўмдан сотган тақдирда ҳам энг замонавий русумдаги хорижий енгил машина харид қилиши ёки беш хонали иморатни тиклаши мумкин!

Бошқа изоҳ шарт эмас...

“ИШБИЛАРМОН АЁЛ – 2025”

ХАЛҚАРО АНЖУМАН

Ўз ишининг усталари кашф этиляпти

ҚАШҚАДАРЁ



О'zLiDeP Чироқчи тумани кенгашининг “Аёллар қаноти” гуруҳи ташаббуси билан “Ишбилармон аёл” кўрик-танловининг илк саралаш босқичи ўтказилди. Унда Араббанди, Янги қурилиш, Додиқ Жар, Дўстлик диёри, Кўктош, Ҳумо, Обод, Чоршанба, Қизил чорва, Болсувор, Шакарбулоқ, Амир Темури, Чамбил, Наврўз, Галабек маҳаллаларидан келган тадбиркор, томорқачи ва хунарманд аёллар иштирок этди.

Салтанат Қўлдошева ўзи истиқомат қилаётган Араббанди қишлоғида “Гиламчилик мактаби”га асос солди. Ҳар йили 30 нафар ёш қизлар бу ерда гилам тўқиш сирларини ўрганишади. Дунёнинг турли мамлакатларидан келган сайёҳлар унинг миллий безаклар ила жиловланган, ип ва жундан тўқилган чиройли гиламларини катта қизиқиш билан харид қилишмоқда. У “Аёллар дафтари”га киритилган ўндан ортиқ аёлларни иш билан таъминлаган. Гилам тўқиш учун зарур бўлган ип ва рангнн ўзи тайёрлайди.

Тумандаги Қорабуруғ қишлоғида яшовчи Феруза Тошқувватованинг миллийлик ва замонавийликни ўзида мужассам этган совға буюмлари юртимизнинг барча бозорларида сотилмоқда. Тадбиркор аёл яқинда Саудия Арабистонида фаолият олиб бораётган савдо маркази билан шартнома имзолаб, ўз маҳсулотларини етказиб беришни бошлади. Унинг ишлаб чиқариш цехида ўндан ортиқ хотин-қизлар меҳнат қилишмоқда.

Шу қишлоқда яшовчи Гулнора Холиёрова 20 сотихли иссиқхонадан ҳар йили 200 млн сўмдан ошириб даромад олаётгани кўпчиликка намуна бўлмоқда. “Аёллар дафтари”да турган беш нафар хотин-қизнинг бандлиги ҳам таъминланган.



Ҳакамлар хайъати шакарбулоқлик Шоҳида Тўйчиева, “Наврўз” МФЙда яшовчи Мадина Кенжаева, додиқлик Мафтуна Уролова, Янги қурилиш маҳалласида иш бошлаган Моҳидил Эргашевалар томонидан тайёрланган тикувчилик маҳсулотларини ҳам алоҳида эътироф этишди. Олти нафар тадбиркор ва хунарманд аёллар кўрик-танловнинг туман босқичида иштирок этиш учун саралаб олинди.

Сайфулла ИКРОМОВ,
“XXI asr” мухбири

САМАРҚАНД



Пастдарғом туманидаги маҳаллалар ўртасида ўтказилган тадбирда “Мангитобод”, “Парчақандир”, “Катта Найман”, “Кичик Найман”, “Новчандир”, “Чандир”, “Дўстлик”, “Парчақора”, “Самарқанд”, “Қоқони” МФЙда фаолият кўрсатаётган тадбиркор хотин-қизлар иштирок этди. Вилоят кенгаши депутати Зиёда Ишмуродова сўзга чиқиб, ушбу танловнинг нуфузи, аҳамияти хусусида батафсил маълумот берди.

Тикувчилик, кўроқчилик йўналишида иштирок этган Иззатхон Тожибоева 2021 йилдан буён “Саидкамалхон” оилавий корхонаси қошида тикув цехи ташкил этиб, 15 та иш ўрни яратган, 20 нафар маҳалладошини касаначилик билан банд қилган, беш нафар ижтимоий ҳимояга муҳтож мактаб ўқувчисига хунар ўргатиб келмоқда.

“Ешлар дафтари”да рўйхатда туриб, ўзини ўзи иш билан банд этган Рушана Ғаниева бичиш-тиқиш билан шуғулланади.

Шунингдек, томорқачилик йўналишида ўзини ўзи банд этган тадбиркор Моҳичеҳра Каримқуллова ҳамда кичик ширинликлар ва турли хил пишириқлар тайёрлайдиган цех



эгаси Мухлиса Хайруллаеванинг ишлари ҳам ҳакамлар томонидан юқори баҳоланди.

О'zLiDeP Самарқанд вилояти кенгаши
матбуот хизмати

ЖИЗЗАХ



Зомин туманидаги 28 та маҳаллада бўлиб ўтган ҳудудлар кесимидаги саралаш босқичи қизгин руҳда кечди. Пешоғар, Ширин, Ёшлик, Навоий, Қўштон, Гулшан, Нурликент, Бешкуби, Нихол, Юксалиш, Халқобод, Чорвадор, Туркман маҳаллалари ўртасидаги танлов жонли мулоқотлар, баҳс-мунозаралар ва ўзаро тажриба алмашувларга бой тарзда ўтди.

– Ўтган йилги кўриқда олти овозини билан ҳамкорликда иш бошлаган “Ясмин чеварлари” МЧЖ раҳбари Зебинисо Эшимова ғолиб деб топилган эди. Уларнинг довуғи ўшанда бутун ҳудудга тарқалди ва туманда издошлари сафи кенгайиб кетди, – дейди партия вилоят ҳудудий партия ташкилоти “Аёллар қаноти” гуруҳи раҳбари Саида Умаралиева.

Энг қизиғи, бу ҳали энди саралаш босқичи бўлса-да, ғолибларни танлаб олиш осон кечмади. Мисол учун, Халқобод маҳалласидаги яқка тартибдаги тадбиркор Манзура Тўлабоева кўп йиллардан буён тикувчилик билан шуғулланиб, нафақат ўз оиласи, балки маҳалладаги аёллар бандлигини таъминлашда ҳам беҳимнат хизмат қилмоқда.

“Чорвадор” МФЙда истиқомат қилувчи “Бахтли оила” МЧЖ раҳбари Гавҳар Султонова сут ва сут маҳсулот-



лари етиштириш билан шуғулланмоқда ва “Зомин қурутлари” аллақачон сайёҳлар эътиборига ҳам тушган.

Кўрик-танлов аяқунларига кўра, 11 нафар иштирокчи ғолиб деб эълон қилинди.

Баҳром МИРЗАҚОБИЛОВ,
“XXI asr” мухбири

ТОШКЕНТ ШАҲРИ



О'zLiDeP Тошкент шаҳар ва Яшнобод туман кенгашлари ташаббуси билан Яшнобод туманидаги Дўстобод, Амир Темури, Ватандош, Илтифот, Ал-Бухорий, Тонг, Моҳинур, Тузель, Гўзал, Олмос, Арғин, Баҳор, Чинор, Жарбоши, Ибрат, Миришкор, Истиклол, Товкентепа, Яшнобод, Бирлашган, Парвоз, Наврўзобод, Авиасозлар, Махмур, Алимкент, Кўксарой маҳаллаларида яшаётган хотин-қизларнинг тадбиркорлик фаолияти ўрганилди.

Тонг маҳалласида фаолият кўрсатаётган “Mancol” МЧЖ раҳбари Моника Каримова асосан кўл меҳнати билан шуғулланади. Маҳсулотлари МДХда ҳам хариддоргир. Маҳалла марказидан унга ишбилармонлиқни йўлга қўйиш учун шариит яратиб берилган, ўн нафар аёлни иш билан таъминлади. Яна бир иштирокчи Нигина Саломованинг тикувчилик цехида етти нафар шоғирди хунар ўрганапти, икки нафар аёл эса ишли бўлди.



Хуллас, туман маҳаллаларида ишлаётган намунали, ўз ишининг усталари орасидан ғолибаларни аниқлаш осон кечмади. Навбат энди туман босқичига!

О'zLiDeP Тошкент шаҳар кенгаши матбуот хизмати

биркорлар фаолияти билан танишилди.

Саралаш босқичида иштирокчилар ўз бизнес фоялари ва амалий ишларини намойиш этиш билан бирга, маҳаллий аҳоли бандлигини таъминлаш, янги иш ўринлари яратиш ва маҳалла иқтисодиётига қўшаётган ҳиссалари ҳақида ҳам маълумот беришди. Тадбир ниҳоясида энг фаол, ташаббускор ва истиқболли лойиҳалар соҳибалари танлаб олиниб, улар танловнинг навбатдаги босқичида иштирок этиш учун йўлланмага эга бўлишди.

О'zLiDeP Сурхондарё вилоят кенгаши
матбуот хизмати

СУРХОНДАРЁ



“Янги Ўзбекистоннинг бунёдкор аёллари” шиори остида “Ишбилармон аёл” кўрик-танловининг маҳалла босқичи Кумқўргон туманида ҳам ўтказилди.

“Сурхон соҳили”, “Дўстлик”, “Янги шаҳар”, “Нефтичи”, “Янгиобод”, “Ўзбекистон”, “Богоро”, “Навбахор”, “Элобод”, “Жарқишлоқ”, “Уяс”, “Улуғбек”, “Арслонбойли”, “Беш қаҳрамон”, “Еш ғайрат”, “Янги авлод” МФЙ ҳудудларида хотин-қизлар бандлигини таъминлаган илгор тад-



ДУНЁНИ ЎЗГАРТИРИШГА ҚОДИРСИЗ...

Тарихдан маълум, неча асрлар давомида шижоатли, жасур, матрифатли, тадбирли, курашчан аёллар ҳаминша ардоқланган, қадр топган.

Улар кучли ирода соҳибалари бўлибгина қолмасдан, балки ўзлари мансуб давр ва жамиятда ҳаминша олдинга интилган.

Шу маънода кейинги йилларда дунёдаги ривожланган давлатларда бўлганидек, Ўзбекистонда ҳам хотин-қизларнинг ижтимоий-иқтисодий фаоллигини ошириш, касбга ўқитиш ва бандлигини таъминлаш, уларни тадбиркорликка кенг жалб этиш бўйича қулай шарт-шароитлар, кенг имкониятлар яратилмоқда. Айниқса, фаол, ишбилармон хотин-қизлар тадбиркорлигини йўлга қўйиш ва ривожлантиришни ҳар томонлама қўллаб-қувватлаш мақсадида қабул қилинаётган қонунлар, қарор ва фармонларга асосан ажратилаётган имтиёзли кредитлар, албатта, ўз натижаларини бераётгани-

нес ва жамият бошқаруви жараёнларида лидер аёллар иштирокини кучайтиришдан иборатдир.

Ушбу конференцияда қайта-қайта таъкидланганидек, халқаро доираларда тан олинган тамойиллардан бири, бу хотин-қизларнинг барча бўғинлардаги фаол иштироки, энг аввало, демократик-ҳуқуқий жамият ва инклюзив ривожланишнинг асосий элементи сифатида эътироф этилган.

Мавлуда ХЎЖАЕВА,
Олий Мажлис Қонунчилик палатаси Спикерининг ўринбосари:

– Ўзбекистонда Президентимиз ташаббуси билан хотин-қиз-

Энг муҳими, ақл-заковатли, билимли ва истеъдодли хотин-қизларимиз давлат ва жамиятнинг барча соҳаларида намуна бўлишмоқда.

Эътиборлиси, бугунги амалга оширилаётган тизимли ислохотлар боис хотин-қизларнинг тазйиқ ва зўравонликка учрашининг олди олинмоқда, улар орасида иш-сизлик даражаси камайди, аёллар тадбиркорлиги ошиб, камбағаллик қисқартирилди. Оғир ижтимоий вазиятга тушиб қолган, ногиронлиги бўлган ёки ногирон фарзанди бўлган, уй-жойсиз, боқувчисиз бўлмаган, ўзгалар парваришига муҳтож аёллар ҳар томонлама қўллаб-қувватланмоқда.

Шу ўринда лондонлик сиёсий фанлар ва гендер назарияси профессори Энн Филиппснинг қуйидаги сўзларини эслагим келди: “...аёлларнинг овозини истисно қиладиган ҳар қандай тизим адолатсиз, уни вакиллик ҳокимияти деб номлаш мумкин эмас”. Бу фикр-



га барчамиз гувоҳимиз. Буларнинг барчаси опа-сингилларимиз учун ўз иқтидор ва салоҳиятларини тўла-тўқис рўёбга чиқаришларини кафолатлашда муҳим ҳуқуқий асос бўлмоқда. Асосийси, улар ҳам оилада, ҳам жамиятда фаол қатлам вакилларига айланмоқда. Шунинг учун ҳам мамлакатимизда ижтимоий сиёсатдаги кўпгина муаммоларни ҳал этиш воситаларини кенгайтириш ва бандлик соҳасида гендер тенглигига эришиш, кредит ресурсларидан фойдаланиш имкониятларини ҳамда молиявий мустақиллиқни оширишга хизмат қилмоқда.

Ўтган ҳафта пойтахтимизда Ўзбекистон аёллар ва қизлар уюшмаси Ўзбекистон ва Туркия ишбилармонлари уюшмаси (UTID) билан ҳамкорликда ташкил этилган Туркийзабон давлатлар аёллар жамоат ташкилотларининг халқаро конференцияси кўпчиликда катта таассурот қолдирди. Чунки ушбу анжуманни ўтказишдан кўзланган мақсад, мамлакатимизда кейинги йилларда хорижий давлатлар билан ўзаро ҳамкорлик алоқаларини янада мустаҳкамлаш борасида олиб борилаётган изчил ислохотларни қўллаб-қувватлаш билан бирга, туркий дунё миқёсида биз-

ларнинг ҳуқуқ ва манфаатларини ҳимоя қилиш, ижтимоий-сиёсий фаоллигини ошириш, аёллар тадбиркорлигини ривожлантириш ҳамда фуқаролик жамияти институтларини қўллаб-қувватлаш борасида олиб борилаётган ишлар алоҳида эътирофга лойиқ. Мамлакатимизнинг ижтимоий-сиёсий, иқтисодий ҳамда маънавий жаҳаларда, шунингдек, энг муҳим ҳаётий қонун ва қарорлар қабул қилинишида, айниқса, кейинги йилларда хотин-қизлар иштироки сезиларли равишда кенгаймоқда. Оддий мисол: янги тахирдаги Конституциямизда хотин-қизлар ва эркекларнинг тенг ҳуқуқлилиги, аёлларнинг давлат бошқарувида, айниқса, барча соҳаларда эркеклар билан тенг ҳуқуқ ва имкониятларини таъминлаши қатъий белгилаб қўйилди.

1991 йилда мамлакатимизда ННТ сони 95 тани ташкил қилган бўлса, ҳозирги кунда бу рақам ўн мингга яқинлашди. Улардан 20 фоизини аёллар бошқараётгани янада қувонарлидир. Хусусан, 2017-2024 йилларда фуқаролик жамияти институтларини беvosита қўллаб-қувватлаш ва самарадорлигини оширишга қаратилган 64 та норматив-ҳуқуқий ҳужжат қабул қилиниб, зарур ҳуқуқий ва институционал база яратилди.

нинг қанчалик тўғри эканлигини ҳаётнинг ўзи кўрсатиб турибди.

Шунингдек, анжуманда Ўзбекистон аёллар ва қизлар уюшмаси Ўзбекистон ва Туркия ишбилармонлари уюшмаси (UTID) раиси Насиба Миродилова, Озарбайжон Республикаси нодавлат ташкилотларни давлат томонидан қўллаб-қувватловчи агентлик директори Айгун Алиева, Туркия тадбиркор аёллар федерацияси вице-президенти Бетул Сезгин, Ўзбекистон ва Туркия ишбилармонлари уюшмаси (UTID) раиси Давут Азми Ербас, Тадбиркор аёллар Бутунжаҳон ассоциацияси вице-президенти Катерина Харинг (Франция, онлайн шаклда), Озарбайжондаги “Сара хатун” ассоциацияси раиси Парвона Мустафаева, Санкт-Петербургдаги хусусий таълим муассасаси ректори Елена Калинина ва бошқалар ҳам сўзга чиқиб, ушбу анжуман нафақат Туркий дунё мамлакатлари, балки бошқа ҳамкор давлатларда фаолият юритаётган тадбиркор хотин-қизларни ҳам бирлаштириш йўлида ўзига хос мулоқот майдони вазифасини ўташини таъкидлади.

Озода БЕКМУРОДОВА,
журналист



ЎЗБЕКИСТОН ФЕРМЕРЛАР КЕНГАШИ



1 июнь – Халқаро болаларни ҳимоя қилиш куни
муносабати билан эртаминг эгаларини самимий
муборакбод этади!

Болалик – беғубор фасл, улкан орзу-истак ва мислсиз
имкониятлар дунёсидир.

Келажагингиз олдинда, фурсатни бой берманг,
илм ўрганинг, ишончимизни оқланг!
Байрамингиз муборак бўлсин!



БЕРДАҚ НОМИДАГИ ҚОРАҚАЛПОҚ ДАВЛАТ УНИВЕРСИТЕТИ

Халқимиз ҳар йили интиқиб кутадиған
энг гўзал байрам – Халқаро болаларни ҳимоя қилиш куни
барчангизга муборак бўлсин!

Қадрли болажонлар, ҳаёт йўлингизда улкан зафарлар,
муваффақиятлар ҳамроҳ
бўлишини тилаймиз.
Билим чўққилари сари
интилинг, олижаноб
мақсадларга эришмоқ учун
фақат олга юринг!
Ёруғ келажак сизларники!
Айёмингиз қутлуг бўлсин!



“Navobod Naslli Parranda”

ФЕРМЕР ХЎЖАЛИГИ ЖАМОАСИ

1 июнь – Халқаро болаларни ҳимоя қилиш куни
муносабати билан жасжси фарзандларимиз ва
уларнинг ота-оналарини табриклайди.
Ҳар биримизнинг бу дунёга келиб топган
энг буюк бойлигимизсиз.

Давлатимиз сизларнинг ҳақ-ҳуқуқларингизни ҳимоя
қилиш, соғлом, бақувват бўлишингиз ва
кафолатланган таълим олишингиз учун ғамхўрлик
қилишга доимо тайёр.

Ҳаётимиз мазмуни, умримиз
гултожи сизларсиз,
ҳамиша омон бўлинг, азизлар!



“Навоий кон-металлургия комбинати”

акциядорлик жамияти жамоаси

юртимиздаги барча
болажонларни гўзал айём билан чин
юракдан қутлайди.

Сиз – Ватанимизнинг нурли
эртаси, буюк келажаги тимсолисиз.

Шунинг учун ҳам давлатимиз
ёш авлоднинг соғлом ва баркамол
вояга етиши йўлида ҳамиша
ғамхўрлик қилиб келмоқда.

Сизларнинг гўзал тарбия соҳиби,
илму маърифатли бўлиб вояга
етишингиз бизга куч-қувват, ишонч
бағишлайди, азиз болажонлар!

Қалбингиздан қувонч, юзингиздан
табассум, ҳаётингиздан
нур аримасин!



ИНСОН ҚАДРИ УЧУН!

МАРДНИНГ МАРДОНА ҲАЁТИ



Халқаро тинч-тотув яшаш куни (14 май)да “Меҳржон” аёллар ва болалар маркази Марказий Осиёда барқарор ривожланишга йўналтирилган “Биргаликда саъй-ҳаракатлар билан Марказий Осиёда барқарор ривожланиш сари” (European Union in Uzbekistan ҳамда Германия Федерал Иқтисодий ҳамкорлик ва тараққиёт вазирлиги биргаликда молиялаштирган) минтақавий лойиҳаси доирасида ўтказилган “Бизнинг бирдамлигимиз хилма-хилликда” мавзусидаги онлайн танлов якунлари эълон қилинди.

Муаллифлар танловга тақдим этган ўзбек, қирғиз, тожик ва рус тилларидаги юзлаб наср ва назмдаги ижод намуналари орасидан ғолибликка танлаб олинган асарлар орасида Фарғона давлат педагогика университети филология ва тилларни ўқитиш: ўзбек тили йўналиши 4-курс талабаси Мард Раҳмоновнинг ҳам шеърлари бор. Фарзандинг, шогирдинг, ўқувчинг, қадрдонинг... Борингки, таниш-билишнинг ютуғи ҳам самимий дилларни бефарқ қолдирмайди, қувонасан. Аммо ёзёвонликлар, фарғоналиклар орасида Мард Раҳмоновнинг бу ва шунгача бўлган каттаю кичик муваффақиятларидан худди ўзи ғолиб бўлгандек, ҳатто бундан зиёда хурсанд бўладиганлар, фахрланадиганлар оз эмас.

...Мактабнинг 3-синфида ўқиётган пайти (2013 йил), ҳамма қишлоқ болалари каби тез улғайиб, мол-ҳол боқийида катталар қаторига қўшилган эди у. Ҳовлиси билан кенг далани ажратиб турадиган катта йўлни бир неча марта кесиб ўтиб, этак тўлдириб молу қўйларига ўт олиб келди. Этакни бўшатиб яна далага қайтиб кетаётганда йўлда тиркама уланган тракторга дуч келди. Ун ёшли болакай... шўхлиги тутди чоғи, ҳалиги тиркамага осилди ва йиқилди... Оёқ остидан чиққан фалокатни тракторчи кўрмади, ўз йўлида кетди. Боши билан ерга урилиб хушидан кетган Мардни уч соатдан кейингина йўл чеккасида топилди...

Шундан буён у ўсмирлик билан балоғат йиллари ўртасида, ҳозиргача не-не тиббий муолажаларни олмай, бош миёсида икки марта мураккаб жарроҳлик операциясини ўтказди. Дардлари оғир бўлган бу беморнинг жисмоний азоблари, йўқотишларини тиклашга жон-дили билан киришган шифокорларнинг энг яқин ёрдамчиси, қўллаб-қувватловчиси Марднинг иродаси, енгилмас шуури, ҳаётсевар қалби бўлди. Мард эса ҳаммадан кўпроқ онасининг меҳрига, доим кулиб боқадиган кўзларидаги ишончга, фарзанди қалбига иккиланиш ўқинчини йўлатмаган сўзларига, онажонининг чайир қўлларига суянди.

Она азиз, она табаррук,
Она меҳрин туйиб яшайман.
Онам кўзи ёшланмасин деб,
Мен ҳаммаша кулиб яшайман.

...Ҳақиқатни ошкор этаман,
Ўзи берган дард-да, нетаман?
Умидим бор юриб кетаман,
Мен ҳаммаша кулиб яшайман.

Ёзёвон туманидаги 27-мактаб ўқитувчиларининг отасига минг раҳмат, вақту меҳнатларини аямай, оёғи ўзига бўйсунмай қолган ўқувчисини синфдаги барча болалардан камситмай ўқитишди. Мард ёшлигидан адабиётга жуда қизиқарди. Дафтарлари шеърини машқларга тўлди, устозлар бунни туман, вилоятда танилган ижодкорларга даракладилар. Мард Раҳмонов мактабнинг юқори синфларида ўқиётганда Ёзёвонга, фарғоналик шеърят мухлисларига танилиб қолганди. Айниқса, унинг сатрларидаги фикрлар

ёрқинлиги, беғубору беғидирлиги, ёшига нисбатан фикрининг улуглиги ибратли эди. 11-синфда ўқиётганида жонқуяр ижодкорлар, саховатпешалар ҳиммати билан унинг “Кулиб яшайман” (!) номли илк китобчаси босилиб чиқди.

Яқинларинг юзин бурса ҳам,
Бегонадек нари сурса ҳам,
Кулиб туриб ханжар урса ҳам,
Ҳар ёмоннинг яхшилиги бор.

Омад кетиб оқсаганда от,
Бошини уриб қилмайлик фарёд,
Буюк зотлар айтдилар бот-бот:
“Ҳар ёмоннинг яхшилиги бор”.

...Мард Раҳмоновнинг тақдирини ҳам жуда кўп болапарвар, мурувватли, савобталаб, зиё тарқатишга қалбан эҳтиёжманд инсонларнинг яхшиликлари уйғунлашгандек. Давлатимиз раҳбари, ҳукуматимиз томонидан моддий ҳамда жисмоний жиҳатдан ёрдамга, қўллаб-қувватлашга эҳтиёжманд ёшларнинг олий таълим даргоҳларида ўқишлари учун яратилган шароитлар ҳамда қалби уйғоқ кишиларнинг маънавий ёрдамлари билан талаба бўлган Мард Раҳмонов бугун университетни битириш арафасида. У энди насиб этса Президент мактабларидан бирида дарс беришни орзу қилади.

Гарчи истаган жойларига, катта давраларга хоҳлаган пайтида боролмаса ҳам, аравачада босиб ўтаётган йўллари жуда оз ва чегаралангандек туюлса ҳам, ишонинг, Мард Раҳмоновнинг фикрдошлари, маслақдошлари, йўқлагувчилари, ҳамкорлик учун қўлини туташганлар сони анча-мунча соғлому кенг имкониятларига нисбатан сонун сифат жиҳатидан анча устун.

Сўзимиз аввалида айтилган хушхабар, яъни нуфузли Халқаро жамоатчилик ташкилотининг “Бизнинг бирдамлигимиз хилма-хилликда” мавзусидаги онлайн танловида ғолиб бўлганининг бош сабаби ҳам Мард ўғлонимизнинг тинчликпарвар, бағрикенг, тараққийпарвар, эзгуликсевар инсонлар қаторида мардона ниятлар билан яшаётгани бўлса, ажабмас. Зеро, самимий сатрларда қадим Туронзаминнинг тарихи, бугуни, келажагига муҳаббат ва унинг барқарор тараққиётга масъулият туйғулари қақнаб турибди:

Азалдан бир халқмиз, бозоримиз бир,
Борар еримиз бир – мазоримиз бир.
Ўзбек, қозоқ, қирғиз, туркману тожик,
Туркистон аталган диёримиз бир.

Бир алпнинг муштимиз, бармоқларимиз,
Бир таннинг этию тирноқларимиз.
Бир дарёнинг ёндош ирмоқларимиз,
Қорақалпоқ, кўмик, тоторимиз бир.

Юраклар зарбидан куч олар очун,
Бирдамлик кўрсатар миллатнинг кучин.
Жаҳолат келмасин илмдан устун,
Санъатимиз бирдир, ашъоримиз бир.

Бир мақсад йўлидан борамиз илдам,
Ниятлар муштарак, қадамлар шахдам.
Боботурк наслимиз, билсин бу олам:
“Мангу биримиз!” деган шиоримиз бир!

Муҳтарам УЛУФОВА

Худудлардан хабарлар

БАЙРАМ АРАФАСИДА...

О‘зLiDeP Қорақалпоғистон Республикаси Кенгаши томонидан 1 июнь – Халқаро болаларни ҳимоя қилиш куни муносабати билан “Соғлом бола – юрт келажаги” шиори остида саломатлик тадбирлари ташкил этилмоқда.

Бўзатов туманидаги спорт мактабида 2010-2016 йилларда туғилган 40 нафардан ортиқ болалар бадминтон бўйича ўзаро куч синашди. Партиянинг Бўзатов туман кенгаши аппарат раҳбари Беғдияр Қутлимуратов ёш спортчиларни яқин-

лашиб келаётган байрам билан табриклаб, шундай деди: “Компьютер технологиялари асрида, афсуски, болалар очиқ майдонларда ташкил этиладиган ҳаракатли ўйинлардан узоқлашиб кетди. Натижада бу уларнинг жисмоний ва психологик ҳолатига маълум маънода салбий таъсир кўрсатмоқда. Уғил-қизларимизни спортга кўпроқ қизиқтиришимиз лозим”.

Қизгин беллашувларга бўй ўтган мусобақалар якунида ғолиблар диплом, медаль ва эсдалик совғалари билан тақдирланди.

О‘зLiDeP Қорақалпоғистон Республикаси Кенгаши матбуот хизмати

ИБРАТ ИЗДОШЛАРИ ҲУЗУРИДА

О‘зLiDeP Наманган вилоят кенгаши раиси Солижон Мўминов ташаббуси билан партиянинг бир гуруҳ фаоллари Исҳоқхон Иброт номидagi Наманган давлат хорижий тиллар институти талабалари билан мулоқотда бўлди.

Ёшлар билан мунтазам равишда учрашиб туриш, уларнинг ижтимоий фаоллигини ошириш ва сиёсий жараёнлардаги иштирокини янада кучайтириш сиёсий куч фаолиятининг устувор йўналишларидан биридир. Шу мақсадда партиянинг ёшларга қаратилган дастурий мақсад ва вазифалари, айниқса, бандликни таъминлаш, тадбиркорликка йўналтириш ҳамда уларнинг ҳуқуқий саводхонлигини ошириш бўйича қилаётган ишлари ҳақида батафсил маълумот берилди.

Талабалар кўнглида саволлар жуда кўплигига мулоқот доирасида гувоҳ бўлди. Қувонарли жиҳати, мамлакатдаги сиёсий-ижтимоий жараёнларга ёшлар бефарқ эмаслиги, айниқса, етакчи партия фаолияти, истиқболли лойиҳалар орасида уларига



тегишлилари бўйича таклиф ва мулоҳазалар билдиришгани, хусусан, ажратилаётган грантлар ва ўтказилаётган танловлар ҳақида ҳам атрофлича маълумотлар олишга қизиқишгани эътиборга лойиқдир.

О‘зLiDeP Наманган вилоят кенгаши матбуот хизмати

ЁШЛАРГА СУЯНАМИЗ

Қарши шаҳрида партия “Ёшлар қаноти” фаоллари, талаба ёшлар иштирокида давра суҳбати ўтказилди.

Тадбирда О‘зLiDeP Қашқадарё кенгаши раисининг биринчи ўринбосари – аппарат раҳбари Аббор Аннаев, вилоят кенгаши депутати Иброҳим Халилов ва бошқалар сўзга чиқиб, мамлакатимизда ёшлар билан ишлаш борасида янгича тизим яратилиб, уларнинг қонуний ҳуқуқ ва манфаатларини таъминлаш, орзу-интилишлари ва иқтидорини рўёбга чиқариш давлат сиёсатининг устувор йўналишига айланишини таъкидлади. Меҳнат бозорига кириб келувчи ёшларнинг бандлигини таъминлаш, ижтимоий-сиёсий фаоллигини ошириш, салоҳиятини юзага чиқариш, китобхонликка қизиқишини кучайтириш ҳамда ёшлар парламентига жалб этиш борасида қилинаётган ғоявий-сиёсий, ташкилий-партиявий тадбирлар ҳақида маълумот берилди.

Мулоқотда ёшларимизга билим ва ҳунар ўрганиш учун яратилган шарт-шароитлар таҳсинга сазовор эканлиги, вилоятдаги эҳтиёжманд оилаларга мансуб талабаларга контракт пуллари тўлаб бери-



лаётгани, ижарага олинган бинода бизнес бошлаган ёш тадбиркорларга молиявий кўмак, ёш оилаларга деҳқончилик қилиш учун ер ва имтиёзли кредит ажратилаётгани Янги Ўзбекистонимизнинг нузли истиқболи, эл фаровонлигини таъминлашга хизмат қилиши таъкидланди.

Сайфулла ИКРОМОВ,
“XXI asr” муҳбири

МИЛЛИОНЕР ЭМАС, МИЛЛИАРДЕР БЎЛАДИ

Фидойи, ташаббускор аёллардан бири, Тойлоқ туманида яшовчи Матлуба Бозорова О‘зLiDeP томонидан амалга оширилаётган “Намунали томорқачи аёл – фаровонлик бунёдкори!” лойиҳаси доирасида ўз тажрибаси билан ўртоқлашди.

Матлуба опа 6 сотихли ҳовлисида аввалига ўзимизнинг жайдарини, кейин эса хориждан олиб келинган юқори ҳосилдор малина-хўжағат навларини танлаб экди. Қараса, даромад чакки эмас, бозорда ҳам харидорғир, мижозлари кўпайиб кетди. Кейин у 40 сотихдан ортиқ майдонга хўжағат кўчатларини қадади. Баҳорда ўнлаб аёллар меҳнат қилиб, даромад топаётган бўлса, айни ҳосил йиғими маҳали ёлланма ишчилар сони кўпаяди. Энди битта оила эмас, бутун маҳалла аҳли иш билан банд бўлмоқда. Натижада Матлуба Бозорованинг издошлари сафи кенгайиб кетди. На-



сиб этса, партия фаоли миллионердан миллиардерга айланмоқчи.

Азизжон ОРЗИМУРОДОВ,
О‘зLiDeP Тойлоқ туман кенгаши раисининг биринчи ўринбосари – аппарат раҳбари

MUASSIS: TADBIRKORLAR VA ISHBILARMONLAR HARAKATI –
O‘ZBEKISTON LIBERAL-DEMOKRATIK PARTIYASI



Тахрир ҳайъати:

Ақтам ХАЙТОВ
Бахтиёр ЯКУБОВ
Мавлуда ХЎЖАЕВА

Сирожиiddин САЙЙИД
Дилшод ШОУМАРОВ
Равшан МАМУТОВ

Бош муҳаррир
Норқобил ЖАЛИЛОВ

Нодир ЖУМАЕВ
Мадина БАРОТОВА
Шухрат АСЛОНОВ

Тахририят манзили:
Тошкент шаҳри
Нукус кўчаси 73А-уй.

электрон почта:
xxi_asr@mail.uz
xxi_asr@mail.ru



Телефонлар:

қабулхона –
71 215-63-80
(тел./факс).

Обуна ва реклама
бўлими –
71 255-68-50.

“XXI asr” ижтимоий-сиёсий газетаси
Ўзбекистон Матбуот ва ахборот
агентлиги (ҳозирги Ўзбекистон Республикаси
Президенти Администрацияси ҳузуридаги Ахборот ва
оммавий коммуникациялар агентлиги)да 2011 йил
14 июнда 0009-рақам билан рўйхатдан ўтказилган.

“Шарқ” нашриёт-матбаа акциядорлик
компанияси босмахонасида chop этилди.

Корхона манзили:
Тошкент шаҳри Буюк Турон кўчаси 41-уй.
Газета офсет усулида, А-2 форматда
босилди. Ҳажми – 3 босма табоқ,
Бўғиртма рақами: Г – 545
Адади: 5670
Баҳоси келишилган нархда.
Топширилди – 18:20

Тахририятга келган кўлэзмалар тақриз
қилинмайди ва муаллифларга
қайтарилмайди.

© “XXI asr” дан олинган маълумотларга манба
сифатида газета номи кўрсатилиши шарт.

Муаллифлар фикри тахририят нуктаи
назаридан фарқ қилиши мумкин.

Газета тахририят компьютер
марказида терилди.

Саҳифаловчи:
Маъруфжон Раҳмонов



НАШР КЎРСАТКИЧИ: 406
1 2 3 4 5 6

Навбатчи муҳаррир:
Абдулла ЧИМИРЗАЕВ